

Bosna i Hercegovina
Federacija Bosne i Hercegovine
KANTON SARAJEVO
Ministarstvo kulture i sporta



Босна и Херцеговина
Федерација Босне и Херцеговине
КАНТОН САРАЈЕВО
Министарство културе и спорта

Bosnia and Herzegovina
Federation of Bosnia and Herzegovina

CANTON SARAJEVO
Ministry of Culture and Sports

Broj 12/01-04-37535-13/20
Sarajevo, 17.11.2020. godine

VLADA KANTONA

(Ovdje)

SKUPŠTINA KANTONA
Predsjedavajući Skupštine
(Ovdje)

Zastupnica Danijela Kristić na 29. Radnoj sjednici Skupštine Kantona Sarajevo, održanoj dana 28.09.2020. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. stav 1. Poslovnika Skupštine Kantona Sarajevo pokrenula je je zastupničku inicijativu, **koja glasi:**

"Ovim putem podnosim inicijativu da učenici/ce svih osnovnih škola u Kantonu Sarajevo imaju mogućnost besplatnog korištenja usluga Biblioteka Sarajevo i Nacionalne i univerzitetske biblioteke BiH. Obrazloženje: Socio - ekonomska situacija u BiH, a samim tim i u Kantonu Sarajevo je složena i teška. Nažalost, veliki broj građana nije u prilici nabaviti ni osnovne prehrambene proizvode za dostojanstven život, a da uopće ne govorimo o nabavci knjiga i ostale literature. Veliki broj ovih građana su roditelji ili staratelji djece koja su učenici/ce osnovnih škola, a koji nisu u prilici da svojoj djeci priušte članstvo u Biblioteci Sarajeva i Nacionalnoj i univerzitetskoj biblioteci BiH. Osnovni benefiti inicijative bi bili zadovoljni i sretni učenici, dugoročno bi podigli nivo znanja učenika, te podržali rad izuzetno važne ustanove kao što je Nacionalna i univerzitetska biblioteka."

Prilog: Zastupničko pitanje Danijele Kristić od 28.09.2020. godine

Odgovor na zastupničko pitanje:

1. Učenici/ce osnovnih škola školsku lektiru u pravilu obezbjeđuju u školskim bibliotekama koje postoje u sastavu većine osnovnih škola, a koje nisu u sastavu JU Biblioteka Sarajeva, te ingerencije nad njihovim radom imaju osnovne škole i Ministarstvo obrazovanja, nauke i mladih KS.
2. Nacionalna i univerzitetska biblioteka Bosne i Hercegovine je zbog naglašene univerzitetske uloge u ingerencijama Ministarstva obrazovanja, nauke i mladih Kantona Sarajevo, te je ovo zastupničko pitanje u tom djelu trebalo uputiti tom Ministarstvu, jer sufinansira rad NUBBiH iz svojih sredstava, a učenici osnovnih škola rijetko ili nikako nisu namjenski korisnici NUBBiH.
3. JU Biblioteka Sarajeva nije prvenstveno školska biblioteka, ali je za učenike (članove biblioteke) omogućila nižu cijenu članske karte. Značajno je napomenuti da svi prihodi JU Biblioteka Sarajeva ostvareni po osnovu članskih karti su prihod Budžeta Kantona Sarajevo.

Koordinator izrade odgovora
na skupštinska pitanja i inicijative
Dragan Vujmilović



web: <http://mks.ks.gov.ba>
e-mail: mks@mks.ks.gov.ba
Tel/fax: + 387 (0) 33 562-062
Sarajevo, Reisa Džemaludina Čauševića 1



MINISTARSTVO KULTURE I SPORTA
Kanton Sarajevo
Kenan Ankadić